

| | |
|-----------------------------------|--|
| Adroddiad i'r: | Pwyllgor Archwilio Partneriaethau |
| Dyddiad y Cyfarfod: | 24 Tachwedd 2016 |
| Aelod / Swyddog Arweiniol: | Aelod Arweiniol, Parth Cyhoeddus |
| Awduron yr Adroddiad: | Pennaeth Cynllunio a Gwarchod y Cyhoedd/ Rheolwr Gwarchod y Cyhoedd |
| Teitl: | Partneriaeth Teledu Cylch Cyfyng Sir Ddinbych |

1. Am beth mae'r adroddiad yn sôn?

- 1.1 Mae'r adroddiad hwn yn ymwneud â Phartneriaeth TCC Sir Ddinbych a sefydlwyd ar 1 Ebrill 2016.

2. Beth yw'r rheswm dros lunio'r adroddiad hwn?

- 2.1 Mae'r adroddiad yn diweddarau'r Aelodau ynglŷn â'r Bartneriaeth TCC, y trefniadau llywodraethu sydd ar waith ar gyfer y Bartneriaeth a'i heffeithiolrwydd i ddarparu gwasanaeth ers ei sefydlu ar 1 Ebrill 2016.

3. Beth yw'r Argymhellion?

- 3.1 Argymhellir bod yr Aelodau yn ystyried cynnwys yr adroddiad, yn cefnogi rôl y Cyngor yn y Bartneriaeth a chefnogi cynnal y Bartneriaeth.

4. Manylion yr Adroddiad

- 4.1 Sefydlwyd Partneriaeth TCC Sir Ddinbych ar 1 Ebrill 2016 am gyfnod prawf o 12 mis. Mae'r bartneriaeth yn cynnwys Cyngor Tref y Rhyl, Cyngor Tref Rhuddlan, Cyngor Tref Prestatyn, Heddlu Gogledd Cymru a Chyngor Sir Ddinbych fel partner arweiniol.
- 4.2 Sefydlwyd y Bartneriaeth yn dilyn penderfyniad a wnaed gan y Cyngor i dynnu cyllideb TCC fel rhan o'r broses Rhyddid a Hyblygrwydd. Roedd y swyddogion wedi gweithio gyda'r Cynghorau Tref perthnasol a Heddlu Gogledd Cymru i archwilio opsiynau ar gyfer cynnal gwasanaeth TCC yn y tair tref. Mae'r Bartneriaeth TCC newydd wedi'i hariannu gan gyfraniadau gan y Cynghorau Tref perthnasol, Heddlu Gogledd Cymru ac incwm o rai o wasanaethau CSDd sydd â chamerau TCC yn eu lle am resymau diogelwch ac ambell contract allanol.
- 4.3 Mae cytundeb cyfreithiol ar waith ar gyfer y Bartneriaeth, sydd wedi'i lofnodi gan yr holl bartneriaid.
- 4.4 Sefydlwyd Bwrdd Partneriaeth TCC ac mae Aelod Arweiniol Parth Cyhoeddus y Cyngor yn Gadeirydd y Bwrdd. Mae'r Bwrdd yn cyfarfod bob chwarter.
- 4.5 Mae Cydlynnydd TCC wedi'i benodi. Mae hon yn swydd lawn amser, wedi'i hariannu gan y Bartneriaeth, ond yn cael ei chyflogi gan CSDd, fel "Partner Arweiniol". Mae'r

swydd hon yn gyfrifol am gydlynu'r gwasanaeth, delio â cheisiadau dyddiol gan bartneriaid/asiantaethau, cynnal systemau a gweithio gyda chontractwyr i adfer a chynnal offer ac ati, gan weithio'n agos gyda'r holl Bartneriaid. Mae'r Swyddog yn darparu adroddiad diweddarau gweithredol bob chwarter i'r Bwrdd.

- 4.6 Cadwyd yr holl gamerâu TCC yn y 3 tref ac maent wedi parhau i recordio 24/7. Mae'r holl gamerâu TCC wedi'u blaenoriaethu yn unol ag amllder eu defnydd a'u pwysigrwydd i Heddlu Gogledd Cymru. Mae hyn yn galluogi'r Bartneriaeth i wneud penderfyniadau ar sail gwybodaeth i atgyweirio neu ddisodli'r camerâu os ydynt wedi malu.
- 4.7 Mae'r Bartneriaeth newydd yn darparu gwasanaeth gwerthfawr a phwysig yn y trefi hyn. Mae'r adborth gan bartneriaid wedi bod yn gadarnhaol hyd yn hyn. Nid yw Heddlu Gogledd Cymru wedi nodi cynnydd gweladwy mewn trosedd ac anrhefn yn y trefi ers sefydlu'r bartneriaeth. Mae cyfraddau troseddau sy'n gysylltiedig ag eiddo trwyddedig a siopau wedi parhau'n gymharol debyg i'r blynyddoedd blaenorol. Mae Heddlu Gogledd Cymru'n credu bod TCC yn bwysig i atal a chanfod trosedd yn yr ardal.
- 4.8 O 1 Ebrill tan 30 Medi 2016, mae Ystafell Reoli TCC wedi cofnodi, recordio a gweithredu ar gyfanswm o 446 o ddiwyddiadau ac wedi cofnodi 321 o Adolygiadau Fideo.

Cyfanswm yr Adolygiadau Fideo a gynhaliwyd: 321

Nifer yr adegau y canfuwyd tystiolaeth: 160 (50%)

Nifer yr adegau y Canfuwyd Tystiolaeth Posibl: 105 (33%)

Nifer yr adegau na chanfuwyd tystiolaeth neu nad oedd ar gael: 56 (17%)

Cyfanswm nifer y DVDs a Gynhyrchwyd ac Allfudwyd: 270

- 4.9 Mae cyfanswm o 24 Swyddog Heddlu Gogledd Cymru wedi derbyn hyfforddiant rheoli camera ac adolygu fideo TCC sylfaenol gan Gydlynnydd TCC. Mae hyn yn cynnwys 6 swyddog o adran CID Llanelwy. Bydd 3 swyddog CID arall yn derbyn hyfforddiant ym mis Hydref 2016.
- 4.10 Er bod adborth wedi bod yn gadarnhaol hyd yn hyn, mae'r Bwrdd yn gwerthfawrogi nad oes modd cynnal y trefniadau presennol. Roedd hwn yn brawf am 12 mis ac roedd y partneriaid yn deall ac yn derbyn y byddai angen gwneud gwaith pellach er mwyn datblygu dewis darpariaeth gwasanaeth tymor canolig sy'n fwy cynaliadwy. Mae hefyd wedi dod yn amlwg bod gorddibyniaeth ar y Partner Arweiniol (CSDd).
- 4.11 Cyflwynwyd adroddiad i'r Bwrdd ar 2 Tachwedd 2016 i gyflwyno rhai dewisiadau ar gyfer darpariaeth gwasanaeth yn y dyfodol. Mae llawer o waith wedi'i wneud gan swyddogion dros y misoedd diwethaf i archwilio modelau darparu gwasanaeth eraill. Roedd hyn yn cynnwys dewisiadau yn y sector cyhoeddus a'r sector preifat. Y sail ar gyfer pob dewis yw y byddai'r Bartneriaeth yn darparu'r cyllid presennol i sefydliad arall (cyhoeddus neu breifat) i ddarparu gwasanaeth TCC ar ei rhan ac felly'n elwa o arbedion maint. Y partneriaid posibl sy'n cael eu hystyried ar hyn o bryd yw Cyngor Caer a Gorllewin Sir Gaer, Cyngor Bwrdeistref Sirol Conwy, Cyngor Sir Casnewydd, a Bwrdd Iechyd Prifysgol Betsi Cadwaladr/Cornerstone Security.

4.12 Mae'r swyddogion hefyd wedi cyflwyno ceisiadau am gyllid grant ar ran y Bartneriaeth i Gronfa Pobl a Lleoedd, Cronfa Cymunedau'r Arfordir a Chyllid Enillion Trosedd. Byddai'r cyllid hwn yn cael ei ddefnyddio i uwchraddio'r gweinydd TCC sydd mewn perygl o fethu oherwydd ei oedran a'i gyflwr a'r hen gamerâu. Rydym yn aros i glywed a ydym wedi bod yn llwyddiannus.

5. Sut mae'r penderfyniad yn cyfrannu at y Blaenoriaethau Corfforaethol?

5.1 Mae gweithredu gwasanaeth TCC yn cyfrannu'n uniongyrchol tuag at y blaenoriaethau corfforaethol o amddiffyn pobl ddiamddiffyn yn ein cymunedau, cadw ein strydoedd yn lân ac yn daclus a datblygu economaidd.

6. Faint fydd hyn yn ei gostio a sut y bydd yn effeithio ar wasanaethau eraill?

6.1 Mae'r holl gostau sy'n gysylltiedig â'r Bartneriaeth TCC yn cael eu diwallu gan y Partneriaid. Nid oes unrhyw oblygiadau sylweddol ar gyfer unrhyw wasanaeth arall CSDd.

7. Beth yw prif gasgliadau'r Asesiad o Effaith ar Les? Gellir lawrlwytho'r adroddiad Asesiad o Effaith ar Les o'r wefan a dylai gael ei gynnwys fel atodiad i'r adroddiad hwn

7.1 Nid yw asesiad o effaith yn ofynnol gan nad oes angen gwneud penderfyniad neu newid.

8. Pa ymgynghoriadau a gynhaliwyd gyda'r Pwyllgorau Archwilio ac eraill?

8.1 Nid oes ymgynghoriadau penodol. Cyflwynwyd adroddiadau blaenorol i'r Pwyllgor Archwilio Partneriaethau (Gweler Atodiad A a B). Gofynnodd yr Aelodau Archwilio am yr adroddiad hwn.

9. Datganiad y Prif Swyddog Cyllid.

9.1 Mae hon yn enghraifft dda o fodel darparu amgen yn hwyluso arbediad cyllidebol. Mae'r cyngor yn debygol o orfod ystyried mwy o fentrau fel hyn dros y tymor canolig wrth i'r cyllid barhau i ostwng.

10. Pa risgiau sydd ac a oes unrhyw beth y gallwn wneud i'w lleihau?

10.1 Mae risgiau i Bartneriaeth TCC sef y gweinydd a'r offer TG yn bennaf. Mae cynigion yn cael eu cyflwyno i'r Bwrdd TCC i fynd i'r afael â'r risgiau hyn.

11. Pŵer i wneud y Penderfyniad

11.1 Mae Adrannau 7.2, 7.3 a 7.4 o Gyfansoddiad y Cyngor yn amlinellu pwerau'r Pwyllgor Archwilio mewn perthynas â'r mater hwn.

Swyddog Cyswllt:

Rheolwr Gwarchod y Cyhoedd

Ffôn: 01824 706350